

Միաբանք Հայոց տարակուսեալէին 'ի վերայ այսր խընդ-
 րոյ , զի գիր Փոխանորդին իբր ստոյգ յաղբերէ յուսադրէր
 զնոսա , գրեանք այլազգեաց յայլ իմն եղանակ չրջէին
 զբանն : Զկնի երկար խորհելոյ յանձն առին , եւ գրեցին
 առ Փոխանորդն ցուցանել զգիր Դատաւորին 'ի պատշա-
 ճաւոր տեղիս և 'ի պահանջել հարկին հատուցանել զգու-
 մարն : չեւ եւս առեալ սոցա զպատասխանիս գրեանց ,
 եհաս յերուսաղէմ Նուիրակապետն հրովարտակաւ Արքայի
 ('ի 18 Յունիսի) , յորում գրէր . Դատաւորն Երուսաղէմի
 Մուսայ Էֆէնտի , արտաքոյ կամաց եւ հաճութեան իմոյ
 գտեալ յանարժան գործս , և 'ի պատիժ նորին ազդարա-
 րութեամբ մեծի Դենպետին աքսորեացի 'ի կղզին Ստան-
 քիոյ . լուեալ զայս Դատաւորին պատրաստեցաւ 'ի չու ,
 և առաքեաց զհաւատարիմ իւր 'ի ջանս Հայոց շնորհալ ինչ
 վասն իւր , զի գիտէր զպատճառ աքսորման իւրոյ որ էր
 Կուսակալն Դամասկոսի , զի ոչ կատարեաց զհրամանն նո-
 րին , եւ ոչ գրեաց Իլամ որպէս պահանջէրն , որոյ վասն
 բարուրանս եղեալ ամբաստանեալ է զնա 'ի Դուռն , եւ
 Տէրութիւնն 'ի շնորհս նորին այնպէս արարեալ . ապա թէ
 ոչ պարտ էր բացայայտ գրել 'ի հրովարտակին զպատճառ
 աքսորմանն , որպէս նախորդի նորին : Եւ թէ զկնի մեկ-
 նելոյ իւրոյ ունէր ահացուցանել Բդեչխն զՀայս , այլ
 չերկնչիլ երբէք 'ի նմանէ , զի ամենայն ինչ հրամանաւ
 Արքայի և գիտութեամբ մեծամեծաց եղեալ է . զի 'ի հա-
 սանիլ իմ 'ի տեղի աքսորանացս , ցուցից զամենայն ինչ
 Տէրութեան 'ի ձեռն մեծի Դենպետին և այլոց բարերա-
 րաց իմոց : Սակայն Հայք միշտ առաջի աչաց ունէին զգիր
 Փոխանորդին , զթշնամութիւն Օսմանայ և Նուրեայ և այլոց
 եւ վարանէին 'ի միտս , զի 'ի հեռանալ սորա՝ թշնամիք
 ժամ գտեալ յարիցեն 'ի վերայ նոցա , որպէս ակներեւ
 տեսանէին . զի իւրաքանչիւր ոք սկսաւ ըստ հաճոյից իւ-
 րոց խօսիլ և առնել , մանաւանդ Քաղաքապետն և Յոյնք ,
 զի եթէ իմացեալ էր նորա թէ 'ի կողմանէ Հայոց լեալ է
 աքսորումն իւր , գործէր բազում չարիս և վնասս :

Ապա կարգեաց 'ի տեղի իւր փոխանորդ զԻպրապետն
 Դատարանի , զի ոչ էին բարձեալ 'ի նմանէ զպատիւ Դա-
 տաւորութեան , զի էր նա այր յիմար և գիւարաղիս . սաստ-